



Na osnovnu člana 21. Poslovnika Visokog sudskog i tužilačkog vijeća BiH („Službeni glasnik BiH”, br. 55/13, 96/13, 46/14, 61/14, 78/14 i 27/15), Visoko sudsko i tužilačko vijeće Bosne i Hercegovine, na sjednici održanoj 08.07.2016. godine, usvojilo je

PRIJEDLOG POLITIKE IZBORA I IMENOVANJA NOSILACA PRAVOSUDNIH FUNKCIJA

Prilikom ocjenjivanja kandidata na razgovoru primjenjivati će se jedinstvena pravila, a odnose se na sljedeće:

Ocjenjivanje kriterija iz člana 54. stav (5) tačka b) Poslovnika VSTS-a BiH:

b) 10 bodova za sposobnost kandidata da odgovorno, nezavisno i nepristrasno obavlja funkciju za koju se prijavio, dodijelit će se na sljedeći način:

Za kandidate koji su se prijavili na pozicije za koje je potrebno najmanje 3 godine radnog iskustva:

- radno iskustvo do 5 godina – 1 bod;
- radno iskustvo od 5 do 8 godina – 2 boda;
- radno iskustvo od 8 do 12 godina – 3 boda;
- radno iskustvo od 12 do 15 godina – 4 boda;
- radno iskustvo preko 15 godina – 5 bodova;
- pravno iskustvo u odnosu na poziciju na koju se kandidat prijavio do 3 boda.

(pravno iskustvo u odnosu na poziciju na koju se kandidat prijavio: Prilikom ocjenjivanja ovog kriterija, komisija će voditi računa o tome koju vrstu pravnog iskustva kandidat posjeduje. Npr. ukoliko se prijave dva kandidata za sudijsku poziciju, a jedan kandidat ima sudijsko iskustvo, a drugi tužilačko, komisija će dati prednost kandidatu koji ima sudijsko iskustvo i obrnuto).

Za kandidate koji su se prijavili na pozicije za koje je potrebno najmanje 5 godina radnog iskustva:

- radno iskustvo do 10 godina – 1 bod;
- radno iskustvo od 10 do 12 godina – 2 boda;
- radno iskustvo od 12 do 15 godina – 3 boda;
- radno iskustvo od 15 do 20 godina – 4 boda;
- radno iskustvo preko 20 godina – 5 bodova;
- pravno iskustvo u odnosu na poziciju na koju se kandidat prijavio do 3 boda.

Za kandidate koji su se prijavili na pozicije za koje je potrebno najmanje 8 godina radnog iskustva:

- radno iskustvo do 10 godina – 1 bod;
- radno iskustvo od 10 do 12 godina – 2 boda;
- radno iskustvo od 12 do 15 godina – 3 boda;
- radno iskustvo od 15 do 20 godina – 4 boda;

- radno iskustvo preko 20 godina – 5 bodova;
- pravno iskustvo u odnosu na poziciju na koju se kandidat prijavio do 3 boda.

Ocjenjivanje kriterija iz člana 54. stav (6) Poslovnika VSTV-a za kandidate za rukovodeću poziciju koji obavljaju dužnost sudije ili tužioca istog nivoa suda odnosno tužilaštva na koju se prijavljuju vrši se na slijedeći način:

- a) 5 bodova za sposobnost pravne analize;
- b) 5 bodova za sposobnost kandidata da odgovorno, nezavisno i nepristrasno obavlja funkciju za koju se prijavio:
 - pravno iskustvo u odnosu na poziciju na koju se kandidat prijavio do 3 boda.
- c) 5 bodova za komunikativnost i sposobnost prezentiranja;
- d) 10 bodova za rukovodne vještine i iskustvo te sposobnost upravljanja ljudskim potencijalima.

Rangiranje i izbor kandidata

1. Osnova za predlaganje kandidata i izbor i imenovanje jeste Rang lista;
2. Za izbor i imenovanje predlagat će se kandidati:
 - a) za poziciju sudije i dodatnog sudije u općinskom/osnovnom sudu, sudije i dodatnog sudije u okružnom privrednom sudu, poziciju tužioca u kantonalnom/okružnom tužilaštvu, Tužilaštvu Brčko Distrikta BiH, kandidati koji su ukupno ostvarili najmanje 90 bodova;
 - b) za poziciju sudije okružnog ili kantonalnog suda, sudije Višeg privrednog suda, kandidati koji su ukupno ostvarili najmanje 110 bodova;
 - c) za poziciju sudije entitetskih vrhovnih sudova, Suda BiH, Apelacionog suda Brčko Distrikta BiH, tužioca entitetskih tužilaštava i Tužilaštva BiH, kandidati koji su ukupno ostvarili najmanje 115 bodova.
3. Od redoslijeda utvrđenog rang listom može se odstupiti, a posebno u slijedećim slučajevima:
 - 1) Zadovoljenje ustavne odredbe o ravnopravnoj zastupljenosti konstitutivnih naroda i ostalih (u ovom slučaju cijenit će se izjašnjenje kandidata dato prilikom prvog imenovanja/aplikacije na pravosudnu poziciju);
 - 2) Ukoliko kandidata na posljednoj poziciji na koju je imenovan nije proveo najmanje 3 godine;
 - 3) U slučaju iskazanih potreba suda ili tužilaštva za kandidatom za rad određenom referatu (iskustvo u okviru krivičnog ili pamičnog referata, iskustvo u radu na predmetima ratnih zločina, privrednog kriminala i sl.);
 - 4) Informacija o potrebama suda/tužilaštva u smislu tačke 4. pribavit će se zvaničnim putem prije raspisivanja konkursa.

Broj: 04-07-3-2124-1/2016
Sarajevo, 08.07.2016. godine



Predsjednik

Milan Tegeltija